

白諸藩士謂我志可伸相跟集東京亦不得其志豐後士民請復舊藩止新令而擾亂以兵鎮壓焉越前亦亂縣官募士族鎮之美作民以徵兵令有血稅字浮言煽動延及丹波備後伯耆出雲四國筑前小民乘旱災羣起入福岡縣筑前國廳筑後亦亂並發鎮臺兵踰月而平諸藩士陰結黨欲待釁動者猶多日本國志頒撮影御容於府縣冬十月大使岩倉具視等還十二月稅華士族祿許士族以下奉還祿賞課家祿稅官祿稅以充海陸軍費又設家祿賞典還納之法其自請還納者給以六年全額維新史十二月以島津久光爲內閣顧問參與大議班大臣下置內務省以參議大久保利通爲卿

臣王先謙撰集

甲十明治七年日本國志春一月前參議副島種臣等連署上表請起民撰議院謂做泰西制立議院撰地方民人之賢者俾議政事以分官權也其時大學頭加藤宏之投書駁論以爲民智未開計時未可後兩日本維新史初江藤新平以征韓議聚訟讒讒爭鬪日甚一日議不合怏怏不樂脫歸佐賀誘縣廳舉其徒陰集征韓黨山口久畱米諸地並有動搖之色先是佐賀不悅新政者結憂國黨謀復封建制兩黨各援引其徒翌月憂國黨劫掠小野商會金錢電報達東京卽令熊本鎮臺鎮之尋遣參議兼內務卿大久保利通鎮撫焉佐賀縣士島義勇亦承內旨往諭義勇附憂國黨與征韓黨合共攻縣廳縣令奔筑後於是嘉彰親王爲征討總督以陸海軍進剿前後繼發總督未到叛徒挫衄而降義勇等就縛捕新平於

土佐誅斬有差日本國志三月設女子師範學校維新史時征臺
議方決夏四月陸軍中將西鄉從道為都督陸軍少將谷干城海
軍少將赤松則良為參軍令參議大隈重信督征討事赴長崎發
艦船往征臺灣諸酋長望風納款獨牡丹社兇頑不服五月從道
進軍破石門衝巢窟斬酋長生番恐懼投降牡丹社亦降嘉彰親
王大久保利通既平佐賀班師清國聞我征臺灣有違言駐
清公使柳原前光與之辯論不諧秋八月命利通為全權辦理大
臣赴清國利通至北京與其總理衙門諸大臣往復論辯期日
要答諸大臣遷延不決利通曰是非口舌所爭報旨總理衙門將
決然捲國旗而去駐清英國公使威妥瑪居閒調停清國償
被害難民撫恤銀十萬兩臺灣修道建房費四十萬兩五十萬兩
當我六十

月小田縣民刃名亦飄到遭害喜事者因謂生番豺狼不可不懲
特以生番熟番有異欲先質經界於我會種臣在北京乃寄諭種
臣命詢臺地事種臣難於啟口因遣副使柳原前光問我總理衙
門大臣毛昶熙董恂和熙等答曰番民之殺琉民既聞命矣害貴
國人則我未之聞夫二島俱我屬土屬土之人相殺裁決固在於
我我恤琉人自有措置何預貴國事而煩為過問前光因大爭琉
球為日本版圖又具證小田縣民遇害狀且曰貴國已知恤琉人
而不懲臺番者何曰殺人者皆屬生番故且置之化外未便窮治
日本之蝦夷貴國之紅番皆不服王化此亦萬國之所時有前光
曰生番害人貴國舍而不治然一民莫非赤子赤子遇害而不問
安在為之父母是以我邦將問罪島人為盪好故使某先告之反
覆論詰者累日卒不能畢議及前光歸白狀於是征臺之議遂決
甲戌三月以陸軍少將西鄉從道為都督陸軍少將谷干城海軍
少將赤松則良為參軍率兵赴臺灣陸軍少將福島九城為廈門
領事兼管番事別延美國人李仙得參謀議李仙得者曾充駐劄
廈門之美國領事以美船事曾至臺灣生番諸社後為外務省所
聘副島種臣使中國亦嘗隨行焉備英美船為運輸而特命參議
兼大藏卿大隈重信為總理四月從道等率海陸軍發品川旋抵
長崎以薩邸為番地事務局重信等隨至時美國公使某執局外
中立之例建言曰大邦無端率軍艦兵卒而入華境彼必以為寇
邊我船船人民苟為大邦所備役彼又必以我為應援我與華人
亦為同盟豈敢獨有私於大邦而結怨鄰好凡屬美國所有願一

切收還遂布告其流寓商民守中立例並令廈門美領事捕李仙
得等英公使亦言中國必生異議按之公法實無此舉於是內
閣大生紛議急遣權少內史金井之恭傳內旨於長崎令重信止
軍行且歸京重信走告從道從道不奉命曰近日朝政朝令夕改
令人危疑况招集精銳駕馭一誤潰敗四出禍且不測豈止佐賀
之比必欲強雷某則奉還救書躬擣虜巢窟斃而後已萬一
清國生異議朝廷日臣等為亡命流賊則於答之乎何有先是日
本欲於番地為屯田計因命從道募兵鹿兒島縣其兄隆盛為募
驍健子弟八百餘會停師令下忽有流言謂熊本大坂兵將東上
叩關請出師之命故從道以是重信乃曰內旨非必停師特以外國
下親諭亦不能從辭色俱憤重信乃曰內旨非必停師特以外國
公使有違言將俟後圖懇論百端從道卒不肯即夜下令發師翌
日領事九成等遂率兵二百人乘有功艦先發重信電報狀朝議
大憂又命內務卿大久保利通等遂攜李仙得還東京五月二日遣日
勿妄交兵以待後命利通等遂攜李仙得還東京五月二日遣日
進孟春三國三艦相率發達社寮港平曠無可扼守時日進艦
放小舟測海生番出沒岸上發小銃狙擊乃移營龜山扼內山衝
路故遣輕兵入山壯番亦出關日本兵發銃於叢莽斃其一餘皆
奔遁熟番告以伴走有伏日本兵不敢追躡進攻竹社風口石門
諸番石門距龜山二十餘里巉岩天險生番疊石為壁據險方拒
日兵不能進有別道軍繞出其背乃駭奔日本兵追殺三十餘人
從道亦乘舟少登龜山至則以美兵不獲有聲言斬首

道攻牡丹社向四重溪是地距龜山僅八九里塗有一河眾水奔
注勢如激箭諸軍提挈亂流而渡兵或漂溺既而深入山谷澗水
橫流泥淖沒踝土番所阻力進奮擊焚廬舍數所番人徒跣涉險而走
而行屢為土番所阻力進奮擊焚廬舍數所番人徒跣涉險而走
其捷如飛日本兵追之不及從道等乃謂土番出沒不常我兵追
擊則鳥遁獸逸倏失所在功不償勞計不如杜巢穴絕饑道以術
制之以待其窘乃實守於雙溪石門風港諸道收軍還龜山造都
督府設病院脩橋繕道為開墾久守之計初師發長崎復遣柳原
前光於北京領事九成至廈門亦書告閩浙總督李鶴年書曰去
年副島大使以下既報貴國政府今將起師問罪於貴國化外之
地若貴國聲教所暨則秋毫不敢侵犯疆場密邇願毋致騷擾鶴
年覆書曰臺灣全島我所管領土番犯禁我自有處置何借日本
兵力為至貴國人民四名之遇禍者我臺灣府吏實救庇之何可
以怨報德請速收兵退我地勿啟二國釁年以聞時總理衙門
北洋大臣先馳奏我朝命船政大臣沈葆楨巡視臺灣調兵警
備前光至京謁總理衙門詞旨抵牾於是二國勢將構兵日本即
徵兵諸國商購鐵甲艦於英我則築礮臺於澎湖諸島設海底電
鐵甲艦於丹國歐美海客在兩國者議彼我曲直強弱日付之新
聞紙乘機鼓煽船艦兵仗之價頓增三倍日本兵久屯龜山以
暑多病疫棺槨相望退維谷國皇特遣侍醫及外國醫員往療
之命御庫製冰運往別募新兵罷歸病者而是時赤松則良在上

卷三十一 朔治

海偵探馳報巡撫王凱泰將兵二萬向臺地日本大恐八月遂以
參議大久保利通為辦理全權大臣委以和戰之權陸軍大佐福
原和勝三等議官高崎正風租稅助吉原重俊權少內史金井之
恭等從之別以法人披薩拿參機密六日發東京十九達上海李
仙得亦隨行初李仙得已罷役更任特例辦務使赴廈門美國領
事以犯局外中立令捕之李仙得不服曰日本得聘用美人載於
條約日本聘我在臺事未起之前今擅禁其用我是使美國失信
於日本也領事卒釋之李仙得遂往會利通於天津借至京九月
十四日利通謁我總理衙門王大臣先辯論番地所隸之經界互
相齟齬經三旬未決利通乃宣言歸國再舉貽總理衙門書曰諸
公所言輒引條約以背盟罪我是陽唱和我而陰託英國公使威
東裝歸國在近或和或否期以十日答我而陰託英國公使威
瑪居開調停初利通要償軍需金三百萬圓我軍機大臣文祥執
議不給一錢沈葆楨亦奏稱倭備雖增倭情漸怯彼非不知難思
退而謠言四布冀我受其桐喝遷就求和儻入彼彀中必得一
又進一語但使我厚積兵力無隙可乘自必帖耳而去姑寬其稱
兵既往之咎已足見朝廷逾格之恩儻肆志要求願堅持定見
力為拒卻又監書李鴻章曰大久保之來其中情窘急可想然必
故示整暇不肯遽就範圍是欲速之意在彼不在我既我以逸待
勞以主待客自不必急於行成鴻章以告總理衙門廷議大懸之
既而念日本近在肘腋無以餽其欲恐有妨亞細亞洲後來和局
乃終許撫卹籌補銀限期撤兵兩國遂和好如初條款曰照得各
國自行設法保全如在何國有事應由何國自理

條於後二日本國此次所辦原為保民義舉 清國不指以為不
是二前次所有遇害難民之家 清國願許給以撫卹銀十萬兩日
本所有在該處修道建房等件 清國願許給以撫卹銀十萬兩日
銀四十萬兩三所有此事兩國一切在來公文彼此撤回註銷各
為罷論至該處生番 清國自行設法妥為約束是日我總理各
辦大學士吏部尚書親王軍機大臣管理工部事務文祥軍機大臣協
尚書崇綸軍機大臣尚書寶壘吏部尚書毛昶熙戶部尚書董恂工部
侍郎崇厚通政司副使夏家鎬日本特命辦理全權大使林兵部左
利通駐劄公使柳原前光咸會於總理衙門議定各籤押鈐印利
通於定約之夕即走謝威妥瑪明日遂發北京至天津謁李鴻章
傾懷款晤盡歡而別初前光因臺事謁鴻章前光氣餒恐其議論
抵牾顧而言他他復及時事利通之來亦未修謁及是乃過訪焉
歸抵橫濱商民各張燈綵迎之以慶和成國皇亦御正殿賜謁詔
賞其勳勞李仙得先歸國皇亦引見慰勞之尋召見英國公使巴
夏禮溫諭獎謝蓋以威妥瑪等調停盡力也旋特遣使於臺灣
慶班師師十二月從道等振旅歸國皇亦召見慰其勞是役也日本
糜費六百餘萬圓 維新史中世以來祿養兵卒多住都城其人皆
不慣農事又不治產業已解其常職欲自營業而乏資本因下令
還納家祿者給六年全額以其半為公債證書附利子十分一名

曰秩祿公債并與熟地一町田三十步為一畝十畝為一段十段為一町荒地數町蓋

期以半額充營業費以半額利子補生計使之漸次土著土族賣

刀買犢或自奮入民籍而能自立者甚少唯伐採樹木未刈草萊

而止尋廢其法又有請復族者限以九年爾後停之內務省置勸

業寮諸縣亦設勸業課謀殖產奧羽多荒蕪地能慣牧業及西洋

習俗行世人屠牛而食因開牛牧於奧羽諸方或設牛馬會社初

德川吉宗修安房國嶺岡牧場放養陸奧馬種及荷蘭馬種謀其

繁殖寬政中松平定信又養白牛三頭於嶺岡蕃息至七十餘頭

命取牛乳製白牛酪記其主治功用以諭眾爾來不廢乃追定信

之故飼養牛種至千餘頭但馬國牧牛輸之神戶稱為最良六七

年之交牛疫流行斃者四萬二千餘頭官為之設賠償損耗撲滅

開港場置生絲蠶種改所改所出前又各地定大總代大總代謂代督

勵製造人東北諸國最習其業乃設富岡上野製絲場以西洋器

械製絲諸方倣之各設器械場而坐繰絲亦致精美尋廢生絲稅

凡生絲輸出明治元年六百五十萬圓百二十萬斤四年八百十萬圓

百四十萬斤七年五百四十萬圓百十八萬斤而茶葉輸出逐年益進元年

三百五十萬圓六百四十萬斤四年四百六十萬圓千三百三十萬斤七年七百二

十萬圓千八百七十萬斤

乙光緒 明治八年日本國志春二月大久保利通伊藤博文木戶

孝允板垣退助井上馨等會議於大阪木戶參議等從歐美歸益

遷步以攻擊征韓討番之故朝端如水火既而木戶歸山口板垣

歸高知政黨紛紜益形乖午井上馨憂之竭力調和於八年一月

約木戶板垣復任參議世謂之大阪會議蓋立憲政體之詔實胚胎

與二十一年明治

於此日本維新史革新之政頗過矯正貿易失衡士民失度自大
使巡歐美鑒其弊歸朝之後用心檢束整理內政先停毀東京城
壘理壕塹縮小市街建築煉瓦屋之區禁諸國社寺境內伐木保
存名勝古蹟尋設公園於諸勝地公園始於此又令諸縣適宜酌
定違式誑誤規則先是府下巡警設邏卒三千人以警保寮屬司
法省分司法行政兩警察使檢事管之至是移警保寮於內務省
以統地方警察皆一其制置警視廳於東京改邏卒稱巡查警察
自是有條理焉初幕府防暴人以兵士護衛外國人稱別手組
英法二國亦置兵橫濱自衛維新之後猶不解之士民漸去舊
習不加暴於外人二月英法二國撤橫濱衛兵日本國志二月課
煙草稅車馬稅酒麴稅維新史三月上已誓五條於神明定國是

後太政官分爲正左右三院及諸省卿兼參議右院唯存空名左
院止議法制而已副島後藤板垣等之罷參議也諸氏連署請開
民選議院世論翕然和之而識者以爲尙早當是時盡革舊貫務
行新政有朝令暮改之謗廟堂亦憂法令不固於是任島津久光
左大臣木戶孝允板垣退助參議夏四月廢左右院置元老大審
兩院詔擴充誓文之意選有勳勞及學識者爲元老院議官使元
老院廣立法之源大審院固審判之權設上等裁判所於東京大
阪長崎福島岩代許士民控訴以覆審平反府縣裁判所讞案若
猶不服者許上告大審院并改定諸省及陸海軍職制頗淘汰官
吏日本國志敕曰朕卽位之初首會羣臣以五事誓神明定國是
幸賴祖宗之靈羣臣之力致今日小康願中興日淺未臻上理
朕乃擴充誓文之意更設元老院以定立法之源置大審院以鞏
司法之權又召集地方官以通民情圖公益漸建立憲政體欲與

考之什一 明治 六

汝眾庶俱賴其慶汝等其體朕意九年九月敕有樓川親王曰朕
今欲本我國體斟酌海外各國成法汝其條列以聞朕親裁之立
憲政體蓋謂做泰西制設立國法使官民上下分權立限同受治於法律中也又臺灣事定琉球藩王遣
弟尙彌入覲謝恩乃遣內務官舉行裁判警察尋郵船往復南島
大定小笠原島孤立於八丈島伊豆國屬島南東百八十里遙對布哇
當太平洋航路有英美人來住者各國以在我版圖內不問文久
中幕府嘗遣官吏未幾廢是歲遣外務官視察島內設港灣諸規
則駐劄內務官吏五年之後隸東京府置島司東海諸島大定矣
又時海軍經畫略立置提督府於橫須賀鹿兒島毀舊礮臺以東
京灣爲東部碇泊所長崎港爲西部碇泊所各管船艦警備海上
審測航路爲海備完成之漸有征臺灣時所購買汽船十三隻付
大藏省起海運業土佐人岩崎彌太郎結三菱會社業汽船運漕
因委任之是月始開郵船航路陸前青森陸奧酒田後
屬內務省每年給金郵船航路陸前青森陸奧酒田後
爭者數月遂和諧買其船四隻以收沿海航綫又北海道既置開
拓使墾闢其地租稅悉充其費諸藩各分管其地使內地民得移
住藩廢并其管地黑田清隆爲開拓次官厚撫育土人禁耳環頰
墨之俗設學校誘導務操國語其土地以低價賣與開石炭礦使
運送船常往來東京大阪敷鐵道於手宮幌內共北海閒通汽車
以招移民北地嚴寒移者甚少遂募宮城陸前青森陸奧酒田後
國三縣土千五百人爲屯田兵兼從事開墾而漁業之利甚廣幕
府以來我民移住樺太營漁業者漸多俄國亦開拓之自北土進
二國雜居一島境界論起我以其住民種族爲徵據歐羅巴人所
製圖以五十度爲界俄國不肯稱雜居地侵入域內幕府遣使議
之未能決而止維新之初與之協議亦不諧至是榎本武揚爲全

權公使駐在俄都遂諧議以是年五月與樺太於彼我取其千島
羣島北徼之事始定矣又夏六月興地方官會議敕曰朕基乎踐
祚之初誓神明旨意將漸擴充之集全國人民代議者以公議與
論定律法開上下協和民情暢達之路期使人民各安其業知有
義務可以擔任國家之重故先召地方長官使代人民協同公議
乃頒示議院憲法各員其遵守之是稱立憲政體敕諭以木戶孝
允為議長開會議於東本願寺東京淺草上親臨行其儀許官吏傍聽
詔議官使務體民情先急務歸同一問目五條一曰道路隄防橋
梁修築二曰地方警察三曰地方民會四曰貧民救恤五曰小學
校設立及保護法十七日而畢又親臨開元老院其所議唯在修
正立法文案大審院則判上告而已又開國規模漸定駐劄公使

土日本國志冬十月左大臣島津久光參議板垣退助罷職初朝

立法行政分爲二權之論既設元老院置法制局專主立法勢既
漸分而板垣以極論參議兼任各卿之弊太政大臣三條等欲俟
朝鮮戰事定再議左大臣島津久光守舊黨也轉力贊板
垣之說亟欲施行於是內閣互相彈劾復懷疏入宮取決於國皇
國皇從三條言島津板垣即退職人情洵復大入宮參議出入各增
警衛都下流言或曰當討薩或曰當征長自大坂會議不過數月
忽生齟齬木戶參議慨然太息謂國是不定國步益艱明年遂辭
職更任爲內閣顧問板垣既歸遂倡民權自由之說居林下十數
年眾推爲以外務少輔森有禮爲特命全權公使遣如北京丙子
黨魁云以朝鮮擊雲揚艦事命森有禮請總理衙門以書告朝鮮勸修
好有禮又往保定謁北洋大臣李鴻章鴻章飲之酒而縱談曰平
籬在所想是千古偉人然朝鮮之役前後七年明以朝鮮爲我藩屬
否鴻章曰此天下萬國所共知且條規中既載之有禮曰條規中
何嘗及此鴻章曰兩國所屬邦土非指朝鮮諸國而何俟他日脩
約補爲註明可也韓之議鴻章曰朝鮮屢拒我國書今又無端擊我兵
艦我國是以有征韓之議鴻章曰兄弟之國日尋干戈苟或與師中
宜合縱連衡外禦其侮何可以兄弟之國日尋干戈苟或與師中
國亦豈能袖手旁觀以大字小願貴國熱圖之鴻章又取筆書徒

考二十一 朔治

傷和氣毫無利益八字示之有禮唯唯臨別起告曰今維新史初

夕所論戰事乃森有禮一人之言非日本使者之言也

朝鮮之阻拒我使聘出其前任東萊府官所為外務官探得其情

與今府官約書契改作而還報會征韓論起未決是歲再遣使至

則彼變約論細故遂又不得要領還既而我雲揚艦過朝鮮海將

赴清國牛莊取薪水於江華島遇守兵礮擊應戰拔礮臺焚其

城於是陸軍中將兼參議黑田清隆為全權辦理大臣議官井上

馨為副往議修好且判理礮擊事清隆抵江華府與其判中樞府

事申樞都總府副總官尹滋慶論難申樞尹滋慶遂屈陳謝前事

表修好意乃交換修好條規認朝鮮為自主國并取議政府謝狀

日本國志初條規已換華民流寓日本者日本以未設領事官遂

頒告居留華民規則令之遵守並課金作經費先是華商僅居長崎一口其後新開各港皆陸續廣集橫濱有二千餘人神戶有數百人長崎有千餘

銀二圓以充經費

丙二子 明治九年日本維新史春三月清隆等復命乃許人民赴釜

山浦互市朝鮮以禮曹參議金綺秀為修信使來聘開元山仁川

二港彼此駐公使於京城朝鮮案始定日本國志夏四月定官吏

懲戒例五月朝鮮修信使來維新史六月車駕東巡發東京太政

大臣三條實美攝庶政大事則奏之行在其不可稽緩者處決以

聞右大臣岩倉具視等從焉過宇都宮下野詣日光同閱覽須賀

川岩代馬市半田同銀礦經福島同宮城縣秋七月巡巖手縣陸

國抵三本木同追賞盛岡藩士新渡部傳拓地之功又舊會津藩

士廣宅安任開牛牧於北郡陸奧二千四百餘町因召見賜金過

青森縣抵箱館御艦還東京翌月遣三條實美及畱後參議等巡

視北海道又自四年定藩治職制地方漸就規制廢藩後補訂之

至是定縣官任期例長官以十二年爲一任滿期後仍得在職分
一任爲四期二期以後移籍任所又聽會議分道路爲國縣里三
等定其廣狹又先是慶應三年法國開萬國博覽會於巴黎幕府
及薩摩肥前兩藩以物品往會頗得佳譽自許開港貿易外人珍
我工技爭購求陶漆銅等諸器輸出工產物明治元年十四萬兩
三年進至二十三萬兩六年奧國維納萬國博覽會使辦理公使
攜物品及工商數十人往會傳習西洋工藝遂謀開內國博覽會
以勸工業是歲美國又開萬國博覽會於費拉特費工商多乞自
主出物品官從獎勵之貨與資本乃率之赴會我工藝精美聘譽
場中如磁器其價超法國製貿易物品繼絲茶而興者爲製作品
礦物因求機械於西洋移其技藝製作物品以圖貿易增進初年

輸出凡十餘萬兩
華士族沽卻家財外人愛其精美購之古器流出焉眾人競驚洋
風製品多模倣西洋所購機械亦多不中用貨物概歸沈滯然至
五年輸出製品猶有五十七萬圓奧國博覽會以後工商稍慣外
國貿易良工知存固有之美參取西洋之長而邦人歸自西洋者
爲示製作樣製器稍改舊觀輸出比年益多是年至百五十萬圓
內務省貸資本金於起立工商會社使之直輸販賣不借外人手
示製工者以其嗜好美國博覽會之後開店新約克前後尙有開
二三商行者我工品漸發聲價而古器流出益多於是美術美術
謂凡
技工作觀美者
彫繪髹陶之類獎勵保存之論起礦業則東北戡定之後改造兵
器如舊製巨礮等悉鎔解爲鎔銅以輸出凡千餘萬斤得價百五
十餘萬圓肥前藩雇英人以洋法開高島肥前
國石炭礦產額俄增

藩廢歸工部海軍則鑿唐津肥前國礦筑肥石炭益出又士族解職

離祿養然不得遽就產業因貸付士族授產資於府縣適宜增殖

物產以享其利八月廢華士族以下給祿制下付金祿公債證書

原額七萬圓以上者給五年全額以下遞加不滿二十五圓給十

四年全額其利子萬圓以上給五分千圓以上給六分以下給七

分凡為三種終身及限年祿者給永世祿十分五以下姑禁其典

賣日本國志九月改府縣裁判所置地方裁判所維新史熊本縣

士大野鐵平等惡西洋風俗漫染大憤新政結同志稱神風連連猶

黨冬十月俄起夜縱火襲熊本鎮臺縣廳及司令長官陸軍少將

種田政明縣令安岡良亮宅殺政明以下數十人傷良亮等百餘

人臺兵討之鐵平等自殺餘黨多自首福岡縣士亦起於秋月前策

國應之關人豐前國小會豐前營兵擊走之山口縣世前京一城

維新之初有功爵官家居甚不喜新政及熊本變起其黨於

長門廣島鎮臺兵討之一誠襲縣廳不克航海東走終就捕青森

縣士永岡久茂舊會津藩士密通謀一誠與其黨俱自東京赴千葉總下

國將襲縣廳警吏譏察而捕之餘黨相繼就捕斬一誠等數人餘

處懲役日本國志自變法以來明治三年有長州奇兵隊以藩廳

士仍倡攘夷論意欲清君側之惡以保祖宗舊制其他因改麻因

改地租因徵兵令中有收血稅字因防疫法命親族不得依病人

苦朝政苛酷竹槍席旗蜂起騷又我朝以翰林院侍講何如璋

擾所在而有均次第討平之

為欽差駐日本大臣候選知府張斯桂為副使先是議約之始曾

產豐饒百貨價賤去中國不過數日程立約之後彼國市舶將絡

繹而來中國買帆亦必聯翩東渡不如泰西諸國洋商來而華商

不往今華人往者已多中國似須派員駐劄日本約東內地商民

訊辦華洋爭訟案件李鴻章亦奏稱中外已定和約均宜各派官

員往駐其國庶消息易通勢均敵近年奉詔迭次派員往泰

西各邦通好業與從前隔閡情形小異日本近在肘腋自變更西

法造兵船開鐵路又派人往西學習技藝其志固欲自強以禦侮

誠宜簡員往駐隨時偵其動靜與之推誠相與設法牢籠亦可管
東我國商民云云其後福建巡撫王凱泰丁日昌湖南巡撫王文
韶均以
為言
十二月抵東京謁今皇遞
國書書曰
大清國
大皇

帝問大日本國
大皇帝好朕誕膺
天命寅紹丕基眷念友邦
言歸於好茲特簡二品頂戴升用翰林院侍講何如璋為欽差出
使大臣三品頂戴卽選知府張斯桂為副使往駐貴國都城並令
親齎國書以表真心和好之據朕知何如璋等和平通達辦理交
涉事件必能悉臻妥協惟冀推誠相信得以永臻友睦共享昇平
朕有厚望焉如璋率同副使張斯桂參贊黃遵憲入謁行三鞠躬
進退禮國皇喜受書日本漢學者皆謂自隋唐通好以來千有餘
載及是使者始奉
皇帝國書待以鄰交之禮書之史冊實為至
榮旋購使館於東京霞關又於橫濱設理事官一兼管築地神戶

設理事官一兼管本級事務
理官一兼管築地神戶

釐民費不過本租五分之一以地方廳費及營繕費為官費支給

初諸藩稅法寬苛輕重不一嚮行地券法於東京也明治六年遂欲以

及全國上諭頒地租改正法七年使無厚薄勞逸之偏乃查田地

收穫定地價徵地價百分三為租課地方費使不超本租三之一

爾後發行物品稅其額上二百萬圓則配當其增額欲終減為百

分一佐賀臺灣已平先釐正諸稅明治之初助鄉公役之法既廢

課稅釀酒榨油僕婢車馬舟解等舊法又有諸雜稅并一千一百

五十餘種皆廢之令地方適宜更立船車酒煙草稅則大藏帳簿

始用洋式度量衡舊度有數種量衡亦漸濫以故三器不均一使

大藏省掌之至是定其戒飾條例及檢查規則頒三器種類表擇

便宜之地設製造販賣二所款新器以檢查印章舊器亦悉查檢

自新令出量衡加精度定為曲尺鯨尺二種鯨尺度名也一尺二寸度

量衡皆有定制於是欲行地租改正慮施行之一縣一郡失其平

衡以九年均舉行焉其夏紀伊國農民訴貢租石價之事結黨擾

亂冬常陸伊勢等國農民亦蜂起並迫縣廳縣官募士族防之發

鎮臺兵鎮壓焉至是發減租之詔地租改正之事始完日本國志

維新日淺中外多事國用實不貲猶憫兆民疾苦曩改正舊稅法

以地價百分之三為公租使無偏重今又察稼穡艱難深念休養

之道更減稅額為百分之二分五釐有司宜省嗇而用以體朕意查全國民田得水田二百六十

三萬千餘町定其地價為十二億二千零十萬餘圓得圃百八十

五萬五十餘町定其地價為二億六千七百二十五萬餘圓五年

之間不變更自是全國廢石高石高猶云解額稱段別段別即畝率其租盡以

金錢納之然猶慮舊貫不可遽變隨其地便宜姑許米粟半額尋

軍大將西鄉隆盛以使韓議不合還鹿兒島私建學校養其徒時

徵兵令初發兵制未整二年而備山縣有朋為陸軍卿建富山東京

學校教習士官鎮臺步兵聯隊成上親授軍旗海軍制亦立置提

督府於鹿兒島又以集成館為機械所集成館者島津齊彬嘗勦

立之製造大礮諸器之所也陸軍亦設製彈廠隆盛獲士心四方

不悅新政之徒常伺動靜篠原國幹桐野利秋等素侮徵兵熊本

山口之變其黨陰通聲息至是陸軍省將收鹿兒島製彈器械於

大阪私學校徒奪之并奪海軍機械所隆盛等遂舉兵稱有所問

於政府向熊本鎮臺司令官陸軍少將谷干城及陸軍中佐樺山

資紀等據城固守隆盛圍之熊本士多應之兵凡二萬餘人行在

得電報褫隆盛以下官位以熾仁親王為征討總督陸軍中將山

本

縣有朋海軍中將川村純義爲參軍陸軍少將野津鎮雄等爲先鋒進討之叛徒分拒肥後國之田原坂等險隘其鋒甚銳官軍劇戰斃篠原國幹議官柳原前光爲救使與陸軍中將兼參議黑田清隆共赴鹿島諭島津久光及忠義處分縣治收海陸軍工廠撤礮臺而復命時叛徒力拒官軍不得進筑前豐前長門等土有應賊者土佐人亦通意熊本受圍五旬糧食將盡黑田清隆爲征討參軍與陸軍少將山田顯義警視總監兼陸軍少將川路利良等自長崎衝賊背自肥後國之八代進夏四月入熊本城叛徒解圍走肥後國之人吉川村純義赴鹿兒島絕其根據連戰數旬叛徒四出攻略官軍自豐肥諸路進剿移征討總督府於鹿兒島叛徒潰日向國愛嶽之圍亦逃走鹿兒島據城山諸軍合圍之海軍自賓每敵擊賊勢大凡用陸軍則難陸軍則難其難二百餘道日諸軍盡發別募壯士編拔刀隊諸路奮鬪戰地樹木彈痕攢集如蜂窩數里爲之赭其傷送病院治創夷救遣侍臣及醫慰問之皇太后皇后親製綿撒絲賜之上臨大阪病院親問賜物議官佐野常民大給恆等諸總督勅博愛社設病院於戰地施療傷痍者不問官賊社後加西洋赤十字社今設之東京熊本罹兵燹者殆二萬戶其他至鹿兒島大分豐後福岡山口等被禍者亦盡賑恤之設臨時裁判所處斷俘虜其首魁大山綱良等十三人處斬餘皆處刑有差時際盛夏痧病流行蔓延全國死者無算頒布消毒豫防法派醫於箱根相模橫須賀檢海陸班軍疫病有無爾後痧病連年繼發衛生會由是起先是製賞牌八級及從軍牌以賞牌授功勳者以從軍牌授從軍將校至前年潤色西洋法改爲勳章

及從軍記章設勳章八等於是授佐賀戡定以來勳功者又授維

新以來文勳者其有殊功者賜之年金又贈與外國君臣始有勳

章日本國志陸盛與陸軍少將篠原國幹利秋借歸其鄉設

先是陸軍遣船移鹿兒島倉庫彈藥校徒羣起掠之會警部中原

尚雄巡察縣屬私學徒聞之縛向雄等付之縣吏拷掠百端誣以

受政府長官旨刺殺陸盛爰書已具乃宣告曰陸軍大將西鄉隆

盛有訊問政府之事首途東上孰願從者眾皆荷銃膺至二月十

五日分爲六軍發鹿兒島十八日移檄熊本縣及鎮臺李不能過

熊本一步是役也全國騷然士民桀黠志者雲集響應賊又多

百戰健卒故能以一隅之力抗全國之軍然官軍以電報飛遞軍

艦徵調巨礮彈丸儲積豐富賊皆烏有故能制賊死命當破鬼嶽

時得賊簿記有高知縣士族通謀狀乃飭縣逮捕派兵扼險一縣

大謀然不及動兵至明年案結陸盛爲維新元勳與木戶孝允大

久保利通稱爲三傑負重望得民心及其

沒西南有彗星國人尙名之爲西鄉星云

又西征之役車駕在京

都太政大臣三條實美內閣顧問木戶孝允參議大久保利通伊

藤博文等從之處辦征討事務右大臣岩倉具視在東京攝理庶

政事關區幾者以指說電報並旗幟以重債借資才全議緒

又流通豫備紙幣補充其餘自有第一銀行之設橫濱新潟名古屋

屋高知熊本大阪福島山梨等相繼勅設至十四行因立爲第十

五銀行兵興互七月其費不貲先是改革紙幣起金札引換公債

至是年發行紙幣愈多又勸府縣農工圖增貿易輸出金祿公債

發行以後其債券未流通乃設國立銀行於各府縣遂至有百五

十三行許典賣金祿債券華族不慣世故往往有傾產誤身者因

相砥礪第十五國立銀行之設益寓華族財產保護之意云又熊

本解圍之翌月木戶孝允薨孝允氣宇爽朗有思慮才俊多附晚

年憂國事過興張務抑制之獲病不遂志朝野惜之又秋七月車

駕東還八月移太政官廳於赤阪皇居先是上每週一日臨太政

官至是每日親臨決機務又開內國勸業博覽會於東京上野公

園百日審查列品授以四種賞牌自後每五年一開會其後蒐集
茶絲繭稻麥棉糖陶器漆器海物等輸出要品於各地開共進會
內務官往莅其品評以獎勵焉我邦雖位溫帶地形狹長沖繩諸
島小笠原島等入熱帶千島羣島則頗達北緯高度而中州概膏
腴故三帶物產萃生於此又四面沿海多鱗介藻苔之屬海產亦
極豐富農產物主米麥他若粟黍蜀黍玉蜀黍菽豆蕎麥甘藷瓜
哇薯菜種木棉大麻藍煙草甘蔗之類無地不產出總計之有穫
米約三千八百十二萬三千五百餘石收麥一千八百七萬八千
三百餘石茶全國皆產之就中京都靜岡三重一府二縣最多通
計七百三十九萬八千五百餘貫蠶業逐年增殖東北諸國最盛
長野信濃國福島羣馬上野國三縣為最通計繭約一百四十九萬九
千二百餘石在絲六厘尺計其為凡十餘千蠶種國凡福
島等諸縣多出佳種砂糖概出南海西海二道藍葉以阿波國德
島縣為最漁業則不獨沿海以國內多川渠湖沼所在有釣網之
利所獲或乾腊或鹽藏或榨作油或爆糞田又有海獸毛皮牙骨
其價頗貴且適製鹽若瀨戶內海謂山陽四國間內海最有名礦穴採掘益
廣益精金礦以佐渡為主有陸中大隅薩摩諸礦銀礦則但馬生
野自古有名陸中諸礦羽後阿仁院內岩代半田次之銅礦下野
足尾山尤著又有陸中尾去澤伊豫石見諸礦其他若陸前安藝
鐵礦出雲石見砂鐵越後遠江石油坑渡島硫磺坑肥前筑後豐
前石狩後志石炭坑其產出殆無盡藏也至製造工品種類極多
舉其二三則釀酒以近畿為最諸國都鄙莫不造織絹亦以京都
為最其西陣織錦綺精巧無比又有八王子秩父共武藏國桐生上野國

足利下野郡內甲斐米澤羽前等為特品若新潟福井越前石川

加賀福島諸縣織造甚多棉布則大阪埼玉武藏櫛木愛知奈良

等諸縣殊著陶磁器則肥前有田窯尾張瀨戶窯加賀九谷窯京

都粟田清水窯伊勢萬古窯岩代會津窯盤城相馬窯薩摩鹿兒

島窯土質彩釉自異各有特色若漆髹七寶銅鐵雕鑄諸器莫不

璀璨奪目秀雅適心又置電中央局於東京海外通信萬國公

法而行遂列萬國盟約及海底綫保護萬國聯合郵便亦加於萬

國聯合盟約益擴張內國綫路又內務省上議請墾關原野使華

士族就業又貸與資金於府縣增殖物產興修港疏川工事以便

運輸尋興起業公債對面原岩代開墾野蒜陸前築港等諸役興

於是諸國競修道路架橋梁疏川渠峻嶺險阪鑿竇道通車馬除

俄國守險之風自軒私銀銅旂是海通之業詰就業詎鉛壘壘

六所於海角燈船二浮標十五礁標八於海面舷端點船燈以防

衝突且有船燈規則陸運海漕之便大進又文部省布大中小學

區制之後小學徧國內乃圖建大中學是年四月并東京開成學

校醫學校改為東京大學研究法理醫文四科授卒業生以學士

位工部亦建工部大學內務則建農學校於駒場武藏後并工學

於大學改曰帝國大學授博士位於碩學人又置高等中學校於

全國凡七所授高度教育有女子高等師範學校女學校商業職

工美術盲啞學校等之設通全國小學校凡二萬五千三百餘所

其生徒凡三百十五萬八千餘人尋常師範學校凡四十七所中

學校凡五十四所專門學校凡五十九所其他陸軍則有陸軍大

學校礮工士官學校等十八所海軍則有海軍大學校兵學校等

六所遞信省則有東京商船郵便電信等學校四所至其私立教
習諸科者不遑枚舉又明治之初將開史局以輔相三條實美爲

總裁不果設立史課地志課於史官至是置修史館將繼大日本

史之緒古來世官餘風祕有職有職謂禮式之書故實謂典故之書記錄於家

閉諸國文籍於藩社寺士民所藏亦多不示人以故流傳史乘概

屬文士鼓筆文獻罕足徵者自世官封建廢祕籍始出得正舊史

之妄謬於是太政大臣爲總裁採訪古文書舊記於府縣先修南

北朝謂元弘建武以後數十年兩帝並立之時代以後之史遂將接乎六國史謂日本書紀至

三代實錄六史後屬之大學國史科之學始興矣舊幕府書庫有二一曰

紅葉山文庫在江戶城中明治初屬修史館後置文書局於太政

官統轄官府書籍一曰昌平學文庫在昌平阪廢藩以後移爲淺

草文庫又設博物館於舊幕府之舊藩學館廣博圖書湖苑

初屬文部定出版條例後屬之內務又改革之初廢貴賤秩序立

三權并立政體一時世論矯枉過直有流於共和政治之虞岩倉

具視等觀察歐美深知其非七年以來頗重名器以華族爲眾人

標準上屢引見戒飭使勉問學養成材德時華族有四百八十六

家設懲戒例保護品位中山忠能松平慶永等勅華族會館督勵

教習焉尋別建學校是年冬十月成上及皇后親臨賜名曰學習

院用先朝舊稱後又建華族女學校皇后每月親臨視其業時士

族有四十萬六千二百九家位上下之間際世局劇變出當政務

處佐藩主或奮勦事業及許金祿債券典賣欲以立職業歸農歸

商者多而素習疏於營利失策破產者相踵或輟耕太息希世有

變亂西南戡定以後知國家軍備不可力爭務自抑制矣又陸海

軍編隊用樂軍制既用洋法因習用西洋樂一時伶人亦就海軍

習洋樂然竟不行屬伶人雅樂於式部寮文部亦研究歌樂

歌授生徒置音樂學校猿樂猿散國讀相通又曰能樂歌舞之一種也自

足利氏之初大行於世諸大社寺皆用之神事歲首奏之府第為

式例織田信長豐臣秀吉等皆好之自舞造新謠宴饗諸侯必以

此助興至德川氏仍足利氏之舊歲首例行之稱曰謠初諸藩皆

效之故時多出名優幕府廢而猿樂頽至九年延覽之於靜寬院

宮故大將軍德川家茂夫人皇太后素好之因建能舞臺舞臺謂於青山京御

所御所謂岩倉具視等勅能樂社建舞臺於芝公園京東供皇太后

覽以助至尊孝養每車駕臨幸大臣參議等即張能樂而奉饗能

樂技人稍集歌舞技也演劇流行二百餘年漸流猥褻維新後以其

關係風俗者會其真由真真力於人其真真力於人其真真力於人

戊四 明治十一年日本國志夏五月盜刺參議大久保利通以其

變法專制故也凶徒石川縣土島田一郎既就縛猶自鳴得意曰

為十津川鄉士所要殺橫井蓋嘗主張革命論者兵部大輔太村

益次郎亦遭刺殺凶徒懷書自首乃責其練習西洋兵法云日本

維新史利通沈毅方正臨事善斷當難不屈撓自奉使西洋用力

民政殖產九年土寇之起於諸縣也主張減租之論終始與木戶

孝允協心贊成偉業至是薨年四十九贈右大臣家無餘財救賜

子利和金三萬圓與孝允子孝正并列華族功臣華族賜金始於

此 維新史秋八月車駕巡幸經埼玉羣馬兩縣閱覽製絲自長野

縣出新潟駐蹕石川縣經北陸道至滋賀縣近江拜弘文帝長等

山前陵入京都拜天智帝月輪東陵將詣伊勢神宮遭痧病流行

因取路美濃過岐阜美濃尾張兩縣至天龍川遠江閱覽治

水架橋經靜岡縣冬十一月還東京日本國志嗣後巡幸諸國閱

歲輒舉行以為常典維新史是歲復開地方官會議更定地方區

畫稅則遂開府縣會續八年改革之緒先是刊行新聞雜誌者漸增競鼓筆舌痛議時事時政柄盡歸中央政府東京諸官省東京繁華

逐年旺盛人物財賄輳集而諸縣都邑日凋落士民苦無事怏怏

於新政記者中其意好為激論因設新聞條例其妨害治安者命

停刊行西南已平希亂者挫折然猶競言論所在設會場演說政

治學術動涉誹議官吏亦有雷同者因禁戒官吏演說政治使會

主申報其旨趣及會場於警視廳以警察吏臨監府縣亦准之及

開府縣會四方政談家詣太政官請開設國會不已樹政黨名曰

自由黨板垣退助嚮罷參議請設民選議院不行自由黨推為首

長日本國志是年開地方官會議以參議伊藤博文為議長先是

會議之始自副島種臣等請建議院政府欲以地方官會議為議

院始基稍變官吏專制之治藉以塞民權自由之口而民權家乃

謂官吏為朝廷所授非人民公選不足以代議所召集各官又自

擬設民會一事議員不聽民選始以區戶長為代民權家益嗚不

平是歲再開議定部區町村編制之法府縣稅規則地方稅規

則此三法仍由政府核定租稅分爲三款歸國用者名國稅在地

方用者名地方稅府縣會議員則由民人公選而地方紳民結黨

立會以論時政所在議起高知縣有三大黨曰立志曰靜儉曰中

立立志主張民權推板垣為首靜儉仍主封建之政中立則兩不

偏倚西鄉事起板垣雖調和諸黨戒黨人毋躁而立志社遺片岡

健吉上疏極論朝政既而健吉等竟謀反事覺皆禁錮其後立志

社長又與諸縣士結立愛國社在大阪聚會聽者甚眾其他政黨

不可勝數官民爭權屢與訟獄先是酒田縣民百餘人於獄控訴

於朝政府遺松平親懷檢其事松平輒繫縣民百餘人於獄控訴

又遣森藤右衛門叩關上告朝廷再命司法省判事兒島惟謙鞠

究其責至十一年判決令官償民款六萬三千餘圓處松平以罪

懲役一年又橫濱有高島嘉右衛門所設玻璃街鏡區戶長以罪

民公款購買之眾訴其專斷裁判所既斷決眾不服又上訴於東

京上等裁判高島乃請以公款還眾以求解決十二年案始結舊

幕府時并無律令刑罰輕重一任藩主上下其手至是始有民人

控官之案權利所關眾屬耳目事定後民權之說益盛至十一年

二年開各府縣聯名上書請開國會者多至數萬人自德川氏季

年舉國紛紛倡尊王以攘夷之論逮王室既尊幕府既覆諸藩瓦

解不足自立事權擾攘未知所歸謂歸之國皇自非命世英主崛

起中興者不能謂歸之朝臣則西京舊族第因人成事威德又不

足服眾謂歸之二三強藩則尊王之論本於攘夷既馬關敗績慶

治

島受創確知夷不可攘所以號召羣策者既失其挾持之具苟但圖富貴據權勢如舊將軍之所為則德川氏二百餘年之恩澤二百餘藩之羽翼斷不甘俯首聽命故下之奉版籍以還朝權勢也上之廢閣閱以擢功能亦勢也維新之始收拾人心既有萬機決於公論之詔士民之傑出者執此以為口實爭欲分朝權以伸民氣促開國會勢也而政權所屬上不能專制於朝廷次不能委寄於臣隸又不得不采泰西上下議院之法以漸變君民共主之局又勢也封建之世權不可合則亂生建諸侯而少其力賈生之所以策漢也德川家康收其效矣列國之世權不可分則削弱五單于爭立匈奴之所以服漢也木戶孝允大久保利通等知其意矣假如德川氏之季政出多門此和彼戰議論未定敵已渡河仍復相忍為國因循世沓憚於改革恐日本已非已有矣故夫日本今日之興始作幕府終立國會固天時人事相生相激相摩相盪而後成此局也然而二三豪傑遭時之變因勢利導奮勉圖功卒能定國是而固國維新史海軍漸進製成數艦於橫須賀造船所是歲清輝艦航歐洲踰年而還造成軍艦回航歐洲者以此為始於是廢鹿兒島造船所先是託英國造金剛扶桑比叻三艦至是成至橫濱

己五月明治十一年日本維新史卷一百一十 選朝野碩學為會員言論學藝教育事及去歲演歐西海軍

地大歉我邦人輸錢穀賑之至是總理衙門恭親王等致書我公

使館謝之又上比年巡幸將親察民事以整庶政三月下勤儉詔

務省允費竭力厚生勸業愛養民力又東京遷都以濱御殿舊幕府別

殿在芝濱為離宮中設延遼館未幾英國皇子以丁堡侯俄國皇子亞

勒西斯相繼而至皆館於延遼館我諸親王亦相踵西航國交益

親密諸國貴族名士豪家陸續來遊夏六月德國皇孫維廉邊律

比來即今德國帝也呈國書及勳章亦館之離宮上親臨慰問焉

秋七月美國前大統領克蘭德夫妻至遊覽日光下野諸勝東京

市民謂今日之開明白美國發之相率設夜會以饗又請車駕幸

上野公園觀騎射擊劍犬追物犬追物騎射一法克蘭德陪之人民迎聖

駕是為始用西洋兵制後刀劍弓馬之舊技殆廢自西征用拔刀

隊警部巡查學擊劍而劍法復行此後島津忠義亦供犬追物於
叡覽間有講弓馬藝者後意國皇甥多馬斯布哇皇帝等荐至宴
饗無虛歲又廢琉球藩為沖繩縣舊藩王尚泰入朝敕敘從三位

子尚典敘從五位賜金祿證券命住東京

使詢於橫濱兵庫大阪之英商會議覆曰舊約非不可改但當
訂正細條目已耳其大綱不得廢也謂增加輸入稅既輸入矣已
入日本人之手而重課之楚人得而楚人失何利之有因加稅而
輸入驟減吾輩之害也加稅而輸入如故於彼又利焉利而不
百不變法何改作爲謂廢棄輸出稅以此勸工以此務財以此訓
農使物產日盛彼之利也若以此抵償輸入所加之稅示惠於外
人殆不其然也日本絲茶價之高低悉操於歐洲市場於東洋成
之重輕無與也吾輩但從中逐什一之利耳所減之稅不能認
吾輩溢無出之利也海關稅則之權由日本自定誠慮日本政府
已而不顧人如美國之保護稅竟值一而取二年來貿易已漸覺
減色如施行此政行且閉關矣若兩國協議准物之精粗價之
下以定一平均稅則猶之可耳前定關稅以日本舊行之一分銀
抵算殊滋不便今日日本已自造金銀貨望以各國同等之貨
一體收用日本政府欲自專本國內港貿易之權商船來往多則
貨物之轉運易官民均受其福今三麥會社自專其利而以
其禁均許其自由庶幾歐美無異日本內地尚多可開之礦應興
之工業願移外人資本以代興大利至於外國已經注冊之貨有
名之牌號獨賣之權利願極力保護毋使日本外僑託妄爭年來
日本紙幣製造甚濫願設法限制勿使搖動市場有礙貿易此皆
吾輩所望各公使忠告於日本者也日本大藏卿亦詢於東京大
阪長崎之日本商會亦議覆曰現行條約內外胥受其害舉國所
共知也增加輸入稅以減輕地租保內港貿易之權毋許外人船
舶侵佔庶可舒民困而勵商業初結約時海關收稅以幕府之一
分銀計算外人貨幣不論其成色之輕但以分量相准彼以攬銅
之貨易我足銀受損多矣嗣後定制以一分銀之三百一十個當
洋銀百圓准此計算我政府仍復失利今日本貨幣如上海香港
新嘉坡皆邀信用泰西通例本國祇用本國之貨請嗣後收稅概
用日本貿易銀其用泰西通例本國祇用本國之貨請嗣後收稅概
物無不垂涎盡取其累葉之積蓄傾瀉一空爭相購取故明治
三四年以後商務日盛一日至十年而衰頹矣其盛也非實狀也
民浮故也其衰也亦非實狀也錢荒故也苟條約得宜貿易且日
盛安得如外人所謂有害商務耶紙幣價低非政府濫發之故乃
金銀濫出之故故銀價不定害商務實岌岌可危然日本無法以
則皮之不存毛將焉傳使日本全商實岌岌可危然日本無法以
所藉以爲利耶故日本今日之政當開通道路與造船船以利轉
輸廣開通商之港增加輸入之稅竭智盡力以保我國本有之利
增吾人輸出之品其要全在於改稅則改條約云云

庚辰 明治十三年日本維新史春二月止參議兼諸省卿欲事務

敏成也始置會計檢查院又夏六月車駕巡中山道覽甲府甲斐國

製絲經松本信濃國秋七月抵名古屋謁熱田尾張國神宮抵三重縣

伊勢謁神宮覽大阪名古屋鎮臺兵對抗運動操練擬實戰於伊

勢廣瀨野龜山遂至京都而駐蹕詣泉涌寺山城國謁諸山陵自兵

庫縣御艦東還又冬十一月鹿兒島縣士種田誠一等請設鐵道

於東京市街通馬車以便庶人往來聽之日本國志是年再將條

約改正稿分致各使請轉呈各政府委權於東京各使以便協議

猶未能定維新史是歲設正金銀行於橫濱貨付官金四百萬圓

以充外國兌換勸諸商社直輸貿易設日本商會於美國新約克

受內地製工家委託販賣以貨物不中嗜好借兌銀不得潰者六

七十家時輸入品益超過而其主要在日用物品於是貿易品製

造之論起日本國志先是日本商會為商賈者備以一二私人私財

權子母以圖微利未有如西人之釀資集錢以聯合力結為商會

者既與西商爭利知私財絲薄不如集資商會之力之大由是商

人合力聯結會社然操術不工往往銳進輕舉不量力不慮勝先

笑而後咷明治七年小野組既破家小野為豪商之首組者為田

組又報傾產亦豪商當時二家破產連累甚廣日本之商勢益衰

蕭其經營之業如蠶卵紙屢取敗屈蠶卵紙歐洲中原購以為種

且聲價漸輕政府慮其濫造特設規則立制限商民誦然謂不便

外國公使亦生異議政府不得已於七年解禁諸國蠶種概供輸

力出一時萬餘人聚於橫濱減價爭賣莫不虧本於是豪商六人協

破產者不知幾千百人或曰此收買之策乃政府出資陰遣商人

為之云至十年又復敗失商法會議局收毀三十餘萬枚而卒無

效其他若三年之豕五年之兔八年之薺被十年之萬年青皆以

無足重輕之物張脈債興驟起高價乘機者居為奇貨及價落而

物歸無用因而破產者又比比相踵明治三年有豕白腹者或途

爭購各以肥膾彭亨為貴商人貪利甚至寄電報購之而去俄而出費
蓄薇萬年青因一二華族購而玩賞效尤競起一花一葉竟費中
人之產猶不能得其殊異者免為日本所無外商乘機謀利乃至
每頭值數百金商民之愚昧者傾家購取以僥倖一時之利既而
價落破產者殊眾西商有以銀米物價限期為買賣者其法實類

且有人自殺云
於博塞日本自結商會爭效此風頗有朝倚頓而夕黔婁者譬如
每石值五圓則懸期訂約購米萬石或十萬石既至期而米價
六圓則每石得利一圓十萬石得十萬圓矣或每石值四圓則每
石損一圓十萬石損十萬圓矣第指其虛價預揣低昂以決勝負
而米仍積於倉廩未嘗買賣也其他若油若豆若金若銀無不
是此風盛行豪富有大力者開或聯集鉅賞盡舉市場之米概行
收買而自定其價以博厚利與之鬪力者復出他策以決勝敗市
價無定往往而各商會樹黨相爭又每每操同室之戈使外商得

漁人之利以故利權盡歸於外商日本十不及一政府頗厭苦之
其後豪商有識者乃集合眾商開商法會議所設商法學校以振
興商務至十三年因賣絲事與外商爭始稍省有改訂及言也

復商業歟得利輸山之貨絲最為大宗商人又慮其散也乃聯合
眾絲商結一生絲轉運局凡外商買絲必至此局揀式樣定價值
乃許發賣日本絲商不得自與外商私相交易自設局後外商
然不願請於公使公使商之外務外務辭以此商人之事非吾輩
所得干豫外商乃停止買賣相持數月卒以歐洲絲價甚昂外商
乃不得已而從其章程蓋內商而政府自通商以來力以殖物產
與外商爭權此為第一次云

興商務為人民提倡既廣開官工場屬內務省者有千住製絨所
愛知紡績所廣島紡績所砂糖製造所屬大藏省者有造幣局印
刷局屬海軍省者有橫須賀造船所唐津石炭所屬工部省者有

佐渡生野阿仁院內三池之鑛山有赤羽深川兵庫長崎之工廠
屬開拓使者有水車器械製造所木工所鍊鐵所麩粉製造所麥
酒釀造所葡萄酒釀造所魚油製造所燧木製造所昆布精製所

魚粕製造所鱈魚製造所招集羣工日事興作復舉國家所有輪
船付之三菱會社歲給賞金使爭內外航海之利生番之役購以
載兵役運軍器

者共十三艘事平屬於大藏省改爲商船以謀海運命三菱會社
代司其事八年七月改隸內務省九月盡舉諸船付之三菱且每
年由政府給金三十五萬圓以資助之考泰西各國商民辦建輪
船鐵路國家有以官船給之者有以官地付之者有歲出官金以
資助之者有借給經費免收利息以助之轉運者甚有與商人訂
約歲得四分五分利苟經營不足此數籌款以彌補之者蓋輪船
鐵路爲一國公益所關國家遇有軍務賑務既便徵調尤便運輸
且民間重滯難運之物若煤若鐵尋常人力不便營運者苟輪船
能通鐵路能到不難變廢棄之物而爲貨財化窮僻之鄉而爲富
庶非獨利商實則裕國又況各國皆有而我國獨無則利權盡爲
外人佔據但使設立一輪船商會無論其得與否此商會中有
十餘艘輪船每歲所得轉運之賞及一百萬則此一百萬金仍歸
於吾民不至爲外人奪去國家安得不設法保護之乎凡辦船之
事根本甫立外人爭攬利權者又往往傾賞以爭競設策以搖撼
故得利甚難國家出資助之亦勢之不得不然者也三菱會社既
設即於是年購美國船四艘以分走上海旋又與英國彼阿會社
爭日本沿海之利英船卒讓之獨行十年慶島之亂盡舉輪帆以
諸船以供國家調兵運糧國家亦賴其利益辦理已有成效矣以
官工所開炭山付之長崎商社以勸民人開鑛之業復於勸農局
商務局揀派官吏往中西各國考求種殖之法孳養之方製造之
事歸以教人於直隸構羊千頭於紐約購馬數十匹於歐洲諸國
購葡萄木棉煙草及其他奇花異卉開農場設學校以訓國人教
以務財訓農通商惠工諸事又設共進會若絲若茶若糖各
令商人出品每物不下千餘種分別其精粗優劣上者給以龍紋
賞牌次鳳紋賞牌次花紋賞牌又次給以褒賞之章以內務卿監
臨其事拔其尤者以勸眾人明治十年又開內國勸業博覽會萃
全國物產工作比較而賞拔之則國皇與后均親臨會場以示盛
典而美利堅費里地費亞百年大會澳地利維也納之萬國博覽
會法蘭西巴黎斯之大會皆特命卿輔總裁其事俾督率商人齎
物以往得褒賞者歸而誇示以爲榮美國百年大會初命內務卿
陸軍中將西鄉從道澳國大會特命議官佐野常民皆令親赴會
場歸上其事於政府法國大會亦命內務卿伊藤博文爲總裁
復於中國之上海天津廈門英之倫敦新加坡法之馬耳塞俄之
華地雲士鐸美之紐約桑佛蘭須斯果分設領事命以時呈報商

務而政府以本國製造物如絲織物絲織物絲棉交織物衣服陶器磁器七寶器漆器竹器銅器糖器紙扇子團扇於十二年布告一概免稅許之輸出凡有可以拓商業攬利權之法皆依倣採擇一一舉行然而通商十餘年惟明治元年及九年輸出多於輸入其他則輸入過於輸出者爲數甚多也蓋自維新以前各藩學習西洋兵法以戎衣勁服從事遂以洋服爲使稍有摹擬者德川末代將軍曾著洋服人爭誹謗外交漸開既勢力自審不敵遂豔羨其事物物無不盡美明治三四年間各藩士多用洋服脫刀劍者其時東西衣服並用奇裝異飾招搖過市外人頗爲嗤笑三年令士民散髮脫刀一任其便於時地方官諭令人民或以散髮有益於養生爲言或設不遵斷髮之令甚有令結髮課重稅者於是士民之頭髮靡然一變云未幾國皇斷髮皇后亦廢棄雍眉渥齒舊習建明治五年制定文武官禮服用洋式而服色一變矣房屋舊皆以木製幕府之末惟一延寶館築之以石蓋亦以館者既而官廳學校工場皆效西式層樓傑閣穹窿壯麗驚人耳目五年東京火災政府命於京橋新橋間剗造市街牆甃屋瓦一依西俗特借給經費以助成之而居處又稍變矣上行下效靡然從風爲官吏者限於禮制無論也豪富大賈故家世族學士文人亦頭戴氈笠足踰皮靴手執鞭杖鼻撐眼鏡若入而居家不以巴黎斯之葡萄酒古巴之淡巴菰餉客輒若有慚色而巨室大家更且牆被文繡地鋪氈毯矣卽下至窮鄉陋邑小戶下民偶有餘蓄亦購猩紅氈爲褥碧琉璃嵌窗以之耀鄉里以故外物叢集大而輪船機器巨礮利槍小而氈冠革履手拭襟飾連檣累舶日新而月異外商之工於謀利者又且以英美之物效日本之制輸入之物每年累加設關以來浮於輸出者遂不下億萬矣輸出入貨值既

不足相抵金銀日益濫出自安政五年橫濱開港迄於明治四年

凡十三年間溢金銀大約及八千萬圓通商之始未諳外情所

訂條約以貨幣互換為言政府乃定以洋銀一枚三分之一換金

一兩之制外商不勞而獲厚利百方交換其時流出者蓋不知凡

幾美國條約云外國貨幣與日本貨幣種類同輕重同許其通用

之後凡一年間官於各港設經理所所有日本貨幣應聽美利堅

人求請照價交換英法俄蘭諸約皆同而政府是時未知外國貨

幣價格也乃定以洋銀一枚三分之一換金一兩之制外商以兌

換之數外商又雇人互換行之一年而後已按當時每日每人許

價值每洋銀一圓僅值日本金一兩十分之七五云以各稅關未

經查核故未悉其確數然自慶長鑄金以後累世積蓄傾蕩殆盡

云明治五年以後稅關始稽金銀溢出之數至十三年輸出過於

輸入凡六千六百餘萬其中有新鑄貨幣五千餘萬綜計通商至

今為數凡一億四千餘萬云若通商各國輸入之貨以英為最多

輸出口之貨以美為最多其與中國通商則近歲輸出口之數各在

四五百萬圓間不甚懸殊也外史氏曰古所謂理財之道所以諄

天地生財止有此數上盈則下虛下盈則下損民膏民脂日竭於

上饑寒交迫父不能有其子君不能有其臣天下之大亂作矣自

古聖帝明王未有不以聚斂為戒者也雖然鹿臺之財武王因之

瓊林之虛唐祖因之失國者以聚斂得國者即以其聚斂散之於

民而四海猶不至於困窮事變之極逮夫今日乃有禍患百倍於

聚斂至於民窮財盡雖有聖賢實莫如何者是則堯舜禹湯文武

周孔之所不及料所不及言者也是何也曰金錢流出海外也輓

迫勢劫與之立約但求取他人之財以不取我財如狐媚蠱人日吸

其精血如短域射影日中其茶毒以有盡之財填無窮之欲日吸

月削禍深於割地數倍於輸幣百倍於聚斂又不待言也既經明

效大驗者印度則亡矣埃及則弱矣土耳其則危矣歐州大國皆

知其然必皇皇然合君臣上下聚族而謀之欲我國之產廣輸於

桑茶故輸出之貨驟增其所失者在易服色變國俗舉全國而步

三

趨泰西凡夫禮樂制度之大居處飲食之細無一不需之於人得者小而失者大執政者初不料其患之一至於此也邇年來杼柚日空生計日蹙弊端見矣全國上下知金錢流出之大害乃亟亟而大勢敗壞不可收拾悔之晚矣雖知其既晚挽回於將來補救於萬一及今猶可爲也

辛七 明治十四年日本維新史春一月東京火自神田至深川延

燒九千八百餘戶二月以東京數大火而屋造麤薄定防火綫路

設家屋之制專從堅牢改道路通溝渠於是市區改正之議起又

上勵精圖治尤用心於軍備左大臣熾仁親王兼陸軍大將嘉彰

親王等皆爲陸軍將校薩肥鎮定以後改修徵兵令爲鎮臺野營

謂鎮臺兵 及對抗運動練養士卒上屢臨之不避風雨寒暑夏四

月覽近衛兵對抗於相模國厚木秋八月復北巡熾仁親王貞愛

親王參議大隈重信等從焉至宇都宮 覽東京仙臺鎮臺兵

對抗於下野國岡本原經福島至山臺東城 覽在在野營

修築上自青森御嶽小樽港後志國馬蹄札幌 巡覽諸營

校紡績所麥酒製造所牧場賞伊達邦成 舊仙臺 開墾之勞賜謁

巡白老室蘭 共騰 由箱館過津輕 陸奧 秋田 後 覽院內 後 礦

業經酒田 後 鶴岡山形米澤 共 郡山 岩代 冬十月還東京又

新政主旨原在採公議上自北巡還詔期二十三年開國會罷參

議大隈重信曩止參議之兼諸省卿使內閣分立既而有弊及定

國會開設之期又兼之尋置農商務省及參事院廢租稅延納法

而行備荒儲蓄法政府人民各公儲租額百分之三限以二十年

尋使不服課稅者先納然後訴之又先是京阪鐵道成與東京橫

濱關東西共起示眾以便益岩倉具視獎勵華族及豪富結日本

鐵道會社布設軌道自東京至青森又是歲設憲兵於陸軍兼行

政司法警察視察軍人非違又大隈重信既罷眾又樹改進黨推

重信爲首長自政黨之建有匪徒託之而濫行者救地方官令諭士民就業修學制躁進過激之行尋定集會條例檢束之

壬八 明治十五年日本維新史春一月定刑法治罪法朝廷酌中

外所宜行更革已十餘年臣民益明習於法律自定國會之期更整理文武庶政先是行新律綱領及改定律例主取本邦從來法律及明清法律制定之未能完全於是更傭聘歐人曉法律者使與法律編纂事司法省設法律學校大學置法學科養成學生選優者留學外國其編纂法案數經審修遂參酌法國法定刑法治罪法刑法四編第一編總則第二編關公益重輕罪第三編關身體財產重輕罪第四編違警罪凡四百三十條罪科則爲重輕違警三科刑則爲主刑附加刑二科重罪主刑九爲死無期有期之徒遠近之流重輕懲役及禁獄輕罪主刑三爲重輕禁錮罰金產警罪主刑二爲拘留科料附加刑六爲公權糾奪及停止禁產監視罰金沒收其死刑用絞首俟司法大臣命令行之廢梟首斬罪治罪法六編第一編總則第二編刑事裁判所構成及權限第三編犯罪搜查起訴及豫審第四編公判第五編大審院職務第六編關裁判執行復權及持赦事項凡四百八十條刑事公訴檢事爲原告被告得用辯護士重罪必付辯護士又廢拷問及口供甘結用證據法以決罪其證據不確者不加罪雖既宣告罪案猶不招服者許控訴上告假令裁判確定猶有具一定條例者得以非常上告或再審方法破毀之以伸其冤枉又設大赦特赦恩典定登記法及公證人規則逃亡犯罪人引致條例其法極周詳至是行新法廢新律改定律制法衙爲控訴院始審治安兩裁判所又敕陸海軍使正禮儀以勇武信義竭力國家曰我國軍隊世

世皇帝所親統率也在昔神武帝躬率大伴物部二氏古武官名兵討平

中國不順之徒正大位御天下爾來二千五百有餘年其間世運

變遷兵制有沿革焉古之制天子自率軍隊征不庭雖時有皇后

太子代之未嘗委兵權於下迨至中世文武制度概倣唐風置六

衛府建左右寮設防人於邊塞兵制稍整然昇平日久朝廷政務

漸流文弱兵農始分古之徵兵變為壯兵遂為武士兵馬之權一

歸武士棟梁遭世亂離政治大權亦落其手殆七百年矣雖時勢

使然非人力所能挽回而其戾我國體背我祖法可勝慨哉降至

弘化嘉永之際江戶幕府政衰加以外國事起將受其侮皇祖仁

孝帝皇考孝明帝深軫宸衷朕受天嗣位初征夷大將軍還政權

大小諸藩奉版籍海內統一始復古制矣是雖基乎歷世祖宗愛

撫黎民之遺澤與文武忠良輔翼之功積勳休焉年乃錢姬

民能辨順逆知大義於是思更兵制耀國威措勦休焉年乃錢姬

得定陸海軍制夫兵馬大權是朕所統而百司諸務乃任臣下然

至其大綱朕自攬之切望子子孫孫篤守斯旨知天子掌握文武

大權之義無或若中世以降遺失國體朕既為汝等軍人大元帥

故朕賴汝等為股肱汝等戴朕為元首一體同心其親特深朕得

保護國家應上天之惠報祖宗之恩與否一由汝等軍人克盡其

職與否萬一有國家威武不振汝等當與朕分其憂至我武維揚

耀其光榮朕又當與汝等共其譽汝等皆守其職與朕一心協力

保護國家則我國蒼生永受太平之福我國威烈大發宇內之光

是朕所望乎汝等軍人也故諭又節略諸省不急費用期八年增

製軍艦遂發行海軍公債府縣人聞之爭獻海防費乃受其千圓

以上者賜位階綬章焉定橫須賀安藝佐世保肥前舞鶴丹後室

蘭 膽振國。

上二所未置以爲軍港置鎮守府又二月廢開拓使置箱館札幌

根室三縣於北海道又夏五月置皇居造營事務局以太政大臣
三條實美爲總裁海軍中將榎本武揚爲副經始皇居六月遣左
大臣熾仁親王於俄國臨皇帝卽位式又朝鮮王之初立其生父
昱應攝政王長而還政曰大院君王用意革政與我修好後聘陸
軍中尉堀本禮造使兵士習新式操練遣金玉均徐光範觀察我
學藝施政等選擢其才俊少年畱學我國大院君與王舅閔氏不
善又不悅更革秋七月軍人以欠糧謀亂暴起闖入王宮襲我公
使館戕堀本中尉及學生六人公使花房義質等拒之亂兵放火
義質等欲避難王宮門閉不得入乃走仁川府亂兵又起襲擊府
廳義質等奮鬪出至濟物浦搭英國測量船達長崎報至急遣軍
艦數隻保護我國人外務卿井上馨下關設旨於公使館謹罪
少將高島鞞之助海軍少將仁禮景範下關設旨於公使館謹罪
陳要求之意與其全權大臣李裕元金宏集議定規約六款修好
續約二款朝鮮乃以金五萬圓給卹遭難者遺族及負傷者以五
十萬圓補助損害及衛兵費用以表懲前善後之意遣特命全權
大臣朴永孝副金晚植來謝清國聞朝鮮之變亦遣馬建忠丁
汝昌率兵赴朝鮮使吳長慶押送大院君於北京及我辦理公使
赴任還付補助金四十萬圓變亂以後駐紮步兵二中隊護公使
館清國亦遣兵在朝鮮又初幕府以國產不給減清蘭商船之
數維新之初解其制限并廢耕種品制限絲茶之利輒興五港輸
出初年約一千六七百萬圓九年則二千七百七十萬圓絲茶之
價居十之八是皆爲中部東北部之專利其民因致殷富西國舊
多大藩久歸其統轄征賦往往至七公三民至是繇役除而民力

休地租減而地價貴加以紙幣價格與正金生差其價漸下米價騰貴故全國農民暴富內外貿易一時甚盛自維新之初輸出常不及輸入至九年始輸出過輸入三百七十四萬圓十年以後輸入復增十三年輸出二千八百八十四萬圓輸入三千七百八十九萬圓也至是年輸出漸進凡三千九百三十八萬圓超過輸入者八百四十五萬餘圓其貿易輸出要品以絲茶爲最輸之西洋米石炭銅海物次之多輸支那輸入則棉毛布綿絲砂糖石油爲最初移用西洋棉絲紡績器械內務省獎勵之起紡績所於和泉國堺浦地名至是大藏省更購求其器械頒於諸縣製綿絲防輸入又燐寸麥稈製紙等諸工起防輸入之議益熾九州石炭畿內中國中國謂山陰山陽二道土佐奧羽銅鑛逐年增盛且工技興而鉛安置母尼滿庵綠營等諸鑛亦起是年以後輸出超過貿易輸會社官補又三菱會社久專權海運其弊漸生是年設其商運輸會社官補給其資金二百六十萬圓以便運漕因與三菱會社競爭既而調和合併稱日本郵船會社後航路益擴自朝鮮支那諸港至烏刺氏倭斯德馬尼刺孟買等遂達歐洲又東京府民三野村利助大倉喜八郎等請設電氣燈且結會社以營其業聽之先是市中設瓦斯燈於是兩燈共行光耀燦然如晝不礙夜行

癸九 明治十六年日本維新史初將設鐵道於中山道因發行公債以道嶮工鉅改設於東海道民益知其便後數年諸國相率設鐵道會社兩毛自下野小山至水戶自小山至甲武自武藏新宿至阪堺自大阪至關西自伊勢津至近江草津又自大阪伊豫讚岐山陽九州各地起工汽車縱橫交通甚便又幕府之時設米會所於大阪空米相場相場謂時價空米相場無實米而定時價也爲米商習慣至維新之

時不可抑止遂設兩米商會所於東京後及各地有十七所別設
株式取引所株式猶云集股取引所處理券契之所買賣公債證券會社株券上下
趨利機弊害日多因廢之將倣西洋相場會所之制而未果行又
銀行紙幣之額一時至一億四千餘萬圓紙幣低下益甚國立銀
行有廢業者參議松方正義兼大藏卿立兌換紙幣之法是歲設
日本銀行定爲資本金一千萬圓執全國理財之樞機助國庫之
利便漸次發行兌換券又使國立銀行蓄積紙幣交換准備金數
年之間減一千四五百萬圓正貨亦漸增多價格稍平又改正徵
兵令廢免役料減猶豫項目猶豫謂延期務使全國丁壯習兵又更定
艦隊軍艦職員任礮術水雷長於大中尉而諸省規制漸周密秋
七月太政官刊行官報公示政務情狀是月右大臣岩倉具視薨
贈太政大臣公爲人望之可畏就之可愛舉措精敏稍以苛細而
局度宏大節不可奪愛才如饑渴收攬薩長等諸藩之英俊不
偏不黨各竭其材用以成就皇業

甲十明治十七年日本維新史制定公侯伯子男五爵應華族家
格以授之凡五百餘人文武功臣黑田清隆以下二十九人新列
華族授伯子男爵又設世襲財產法保護華族以尊嚴皇室爵名
勘於此又朝鮮開外交以來其臣分黨曰獨立黨曰事大黨常相
陵軋冬十二月金玉均朴泳孝等遂殺其大臣閔台鎬等國王乞
援於我公使館辦理公使竹添進一郎率護衛兵至王宮適清
國將卒亦至因生紛爭發礮擊我兵既而國王投清兵我兵撤
守歸公使館暴民襲擊燒之陸軍大尉遭害公使逃至仁川乃以
外務卿井上馨爲特派全權大使率軍艦往辦理之

乙十明治十八年日本維新史春一月與朝鮮左議政金宏集議

作納款五條以表懲愆防事端致金十一萬圓給恤受害者遺族及負傷者并補償商民損失以二萬圓充公使館修築之費三月以參議伊藤博文為特派全權大使與參議陸軍中將西鄉從道共赴清國至天津與其大臣李鴻章議撤回兩國兵駐紮朝鮮者勸朝鮮王選雇他國人教練兵士自護治安將來若有出兵朝鮮兩國互相通報其為清兵所殺掠者約待訪查取證從嚴拏辦又維新以來官制數革然大體沿襲大寶遺軌各省皆隸屬太政官上申下行不免經由繁複之弊且國會開設之詔既下則制定憲法為最大要務而實國家隆替所係政府精究審議起草又欲歷觀歐洲各國視察其制度典例憲法政治之實十五年遣參議伊藤博文於諸國逾年而還及置制度取調局於宮中取調猶云查以博文為長官從事憲法制定及官制改革奏提大政官條實美上表請改舊制以內閣為宰臣會辦奏提大政官當中外職務以統一各部因辭其職冬十二月大變更官制廢太政大臣以下太政官及各省職制更置內閣總理大臣及宮內外務內務大藏陸軍海軍司法文部農商務遞信十省大臣內大臣內大臣常侍輔弼尚藏御璽國璽以外務大臣以下組織內閣組織猶云博文為總理大臣實美為內大臣乃定各省官制次官局長次長各限一人書記官參事官祕書官并置定員設試驗法選敘文官以制年勞濫進定公文式法律敕令以上諭頒之閣令發於總理大臣省令發於各省大臣并以官報布告之令到限七日施行廢藩以後歲出約六千萬圓遞年增加八年以來數減官吏而行廢藩以後歲出約六千萬圓十六年又增至八千萬圓官吏增加至倍十四年增至七千萬圓十六年又增至八千萬圓官吏增加至倍其初較之六年則增歲出四分之一俸給一項增十分之六至是

廢合各部局課改文書使行規程務省繁文又當此時綜理漸密有版權商標專賣意匠等條例興衛生會設司藥場定藥品規則頒日本藥局方設氣象臺又設測候所於各地暴風信標於津港禁造日本樣式五百石以上船舶時全國有汽船四百八十六隻西洋樣式風帆船七百九十八隻

丙十明治十九年日本維新史今年至明年貨幣價格稍平金利亦低下乃發行整理公債圖漸次減六分利以上公債公債發行總額有三億九千五百四十萬圓年年償還迄二十年減至三億七百餘圓外國貿易全額有九千六百二十五萬圓十五年以來輸出常過於輸入全國人口廢藩之初有三千三百一十一萬餘本年至三千八百五十萬七千百餘人又初幕府之與歐美諸國締約也其後又係新章定以內廷及外務卿寺島宗則等與協約改正至又不服我法權故維新之後外務卿寺島宗則等與協約改正至十二年美國始承認約日本沿海互市全權委我待各國改約然後實行其後外務卿井上馨又與各國公使聚議於是議略成而事漏聞論者不服其條款二十年馨解官及大隈重信青木周藏榎本武揚陸奧宗光更爲外務卿協商數回至近時得奏其效

丁三明治二十年

戊十明治二十一年日本維新史置樞密院選元勳及練達政務者任顧問官諮詢重要國務以伊藤博文爲長黑田清隆代爲內閣總大臣清隆尋罷山縣有朋代之又創市制町村制市通邑大居次市定地方自治制設市會町村會選舉公民爲議員市置參事會町村置長任行政之事務存鄰保團結舊慣發達地方共同利益以保護其權義

己未明治二十二年日本維新史春一月自明治六年皇居火上
久在赤阪離宮至是營造工竣改稱宮城徙御焉適憲法成二月
上告祭皇祖親臨式場召集親王大臣在京敕奏任官華族府縣
知事裁判所長府縣會議長等及外國公使等敕頒憲法凡七章
七十六條其旨趣曰大日本帝國萬世一系之皇帝統治之皇帝
者國之元首依憲法條規總攬統治之權日本臣民有兵役納稅
之義務自非依法律無受逮捕監禁審問處罰無被侵其所有權
自非妨安寧秩序背臣民義務有信教之自由等帝國議會以貴
族院眾議院兩院成每年召集協贊法律及國務大臣樞密顧問
司法會計等件數條皆規定之又定皇室典範凡十二章六十二
條定皇位繼承皇族皇室御料等事乃頒議院法眾議院議員選
舉法貴族院令及會計法是日救國事也清賜金八十歲以此禮
使告岩倉具視島津久光大久保利通毛利敬親銀嶺直正山內
豐信木戶孝允等之墓贈位西鄉隆盛等我皇上欣增國家隆昌
臣民慶福制定大憲保護臣民之權利財產是日也距神武帝卽
位實二千五百四十九年而恰值紀元節眾庶感戴聖旨驩虞之
聲充溢都鄙矣又是歲立第三皇子嘉仁親王爲皇太子又文化
大開車馬之往復貨物之運搬日增以東京街衢狹隘屈曲不便
通行且不適防火衛生行軍等設市區改正委員會課市民以特
別稅以充費用其礙改正道路者漸次購其土地家屋廣道路幅
員修築溝渠橋梁定公園市場屠場墓地等於是街市面目大改
又幕府之初江戶乏清水人苦之武藏國城西牟禮村有一池清
泉涌出鑿渠引之被神田江戶市街名諸街曰神田上水上水猶云名水命其
池曰井頭池承應中德川四代將軍家綱時市人清右衛門莊右衛門者請

引多摩川水其川水清冽發源甲斐國貫流武藏國入海幕府給
賞興工自武藏國羽村至江戶四谷鑿渠長十二里餘分派其水
於江戶市街曰玉川上水自四谷至市街埋木規於地底縱橫流
通每街鑿井汜之以資飲用其利甚溥以木規易朽今悉換用鐵
管設漉池數所去淤滓謀普及其他若大阪橫濱長崎箱館以難
得美泉設水道導河川引清水以供飲用

庚十 寅六明治二十三年日本維新史先是學制既布公私學校徧海

內內務督勵外致文物人民漸知開智長才之道諸科學日進然
於修身立德未免闕如有違教育大旨冬十月上召總理大臣山
縣有朋文部大臣芳川顯正親敕曰朕惟我皇祖宗肇國宏遠
樹德深厚我臣民克忠克孝億兆一心世濟厥美此我國體之精
華而教育淵源亦實存乎此爾臣民等其以敬發智識成端日
和朋友相信恭儉詩曰博愛及眾修學善教以啟發智識成端日

器遊廣公益開世務常重國憲遵國法一旦緩急義勇奉公可以
扶翼天壤無窮之皇運矣如是不獨朕忠良臣民又足以顯彰爾
祖先遺風斯道實我皇祖宗之遺訓而子孫臣民所當俱遵守
焉通之古今而不謬施之中外而不悖庶幾朕與爾臣民俱拳拳
服膺咸一其德文部大臣乃附訓令頒之天下謂之教育敕語諸
學遵奉於是教育之大本定矣又國會開設之期在本年朝野準
備已完府縣選舉眾議院議員十一月詔召集帝國議會各員於
東京貴族院以伯爵伊藤博文爲議長眾議院舉中島信行爲議
長上親臨貴族院舉開院式貴族院以皇族華族有勳勞學識者
與納稅多額者爲議員眾議院選練達有人望者爲議員各三百
人兩院各分部定常任委員議定各種法律案及次年會計豫算

凡九十日而畢是為帝國第一議會於是立憲政體之實始舉矣
又公布民法商法行政裁判法民事訴訟法刑事訴訟法裁判所
構成法民法五編為法例人事編財產取得編債權擔保編證據
編商法三編為商賈通則及關海商破產事等行政裁判法為行
政裁判所組織權限及行政訴訟方法民事訴訟法八編為總則
第一審訴訟方法上訴再審證書訴訟及為替為替謂交換貨幣訴訟強
制執行公示催告方法仲裁方法仲裁猶云調停刑事訴訟法八編為總
則裁判所犯罪搜查起訴及豫審公判上訴再審屬大審院特權
訴訟方法裁判執行復權及特赦廢治罪法諸法採泰西法律參
之我邦習慣起草數經討論潤色付元老院議之得內閣裁決待
至尊批准而公布之於是法廷有大審院控訴院地方裁判所區
謂區畫土地裁判所四等裁判所中分設檢察廳及司法廳職務
記資格置執達吏廷丁等規定司法事務處理及司法行政職務
監督權等是歲又發布府縣制

辛卯七月明治二十四年日本維新史春二月內大臣三條實美薨公
為人溫良誠實以閱閱有名望繼忠成公遺志夙慨皇家衰微欲
振起之會尊攘論起志士皆謀戴公成事公亦奮不顧身中經艱
苦遂成維新偉業為首相二十餘年退為內大臣至是薨

壬辰八月明治二十五年日本維新史去年總理大臣山縣有朋罷松
方正義代之是年正義罷伊藤博文再為總理大臣

癸巳九月明治二十六年日本維新史朝鮮自結仁川條約以來無事
數年我國人民往與貿易元山津地產米穀我商賈多輸出之至
二十二年朝鮮咸鏡道監司趙秉式託名凶歉布防穀令禁米穀
發賣及輸出運搬於是我商既約沽買者不能收領之當輸出者

其期悉違受損害者凡金十四萬二千六百餘圓然妨通商違條約且其年豐登不匱米穀而出此令者係趙秉式濫用職權營求私利故我駐韓公使近藤真鋤迫韓廷求撤回此令賠償損害韓廷遷延以翌年四月始解禁貶秉式猶不肯賠償既真鋤罷歸梶山鼎助代之又論詰之韓廷遂屈請償六萬圓然以多過日時計損害元利既上二十萬圓故議不諧尋鼎助亦罷大石正己代之是年春一月赴任嚴迫賠償韓廷猶託言左右屢延答期正己怒遺書責之 清國總辦袁世凱居閒調停曰防穀令之反條約固不可爭曲在韓廷但韓廷貧不能盡償依前請償六萬圓完局正己不肯遺書世凱謝其厚意而拒調停夏五月正己謁朝鮮王呈書申理其事王始知之大驚遂約賠償十一萬圓

日本源流考卷二十一

臣王先謙撰集

舊唐書倭國傳倭國者古倭奴國也

舊唐書日本傳日本國者倭國之別種也以其國在日邊故以日本爲名或曰倭國自惡其名不雅改爲日本或云日本舊小國併倭國之地

唐書日本傳日本古倭奴也

又後稍習夏音惡倭名更號日本使者自言國近日所出以爲名或云日本乃小國爲倭所并故冒其號使者不以情故疑焉
宋史日本國傳日本國者本倭奴國也自以其國近日所出故以日本爲名或云惡其舊名改之也

元史日本傳日本國在東海之東古稱倭奴國或云惡其舊名故